



Republika e Kosovës

Republika Kosovo / Republic of Kosovo

Komuna e Rahovecit

Opština Orahovac / Municipality Rahovec



Drejtoria për Bujqësi, Pylltari dhe Zhvillim Rural

REPUBLIKA E KOSOVES
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. I prot. 2279 Më 04.07.2025
Br. prot. Dt.
RAHOVEC - ORAHOVAC

Raport i punës

Janar - Qershor/2025



Përmbajtja

DREJTORIA PËR BUJQËSI, PYLLTARI DHE ZHVILLIM RURAL	3
Aktivitetet në periudhën: janar - qershor	3
Aktivitetet në muajin janar	3
Aktivitetet në muajin shkurt.....	4
Aktivitetet në muajin mars.....	4
Aktivitetet në muajin prill.....	5
Aktivitetet në muajin maj.....	6
Aktivitetet në muajin Qershor.....	9
Projektet e investimeve kapitale	10
Kanali i kullimit të tokave bujqësore Fortesë-Celinë - Faza e dytë.....	10
Kanali i Kullimit nga Shtavica deri në Fortese:.....	10
Kanali i Kullimit në Çifllak:	10
Rrugët Fushore	10
Ndërtimi i Urave	11
Ndërtimi i Serrave.....	11
PËRFUNDIM	11

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2024, plani i hartuar është mjaft ambicioz i cili ka ngërthyer në vete aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve.

Aktivitetet në periudhën: janar - qershor

Në kuadër të drejtorisë së BPZHR-së, nga janari janë realizuar një mori aktivitete.

Aktivitetet të cilat kryhen vazhdimisht, siq janë pranimi i kërkesave dhe përgjigje ndaj kërkesave të ndryshme nga qytetarët, si dhe shërbime të tjera në kuadër të drejtorisë si: vërtetim për fermer që dëshmon se janë prodhues bujqësorë, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë, si dhe barazimi mujor i të hyrave me Drejtorinë e Financave për muajt janar-qershor.

Ndërsa aktivitetet më kryesore paraqiten të specifikuara sipas kohës në të cilën kanë ndodhur.

Aktivitetet në muajin janar

- Ashtu siç e kemi paraparë me planin vjetor të punës, pranimi i aplikacioneve për subvencionim të qumështit për gjashtëmujorin e dytë të vitit 2024 për fermerët blegtor (MBPZHR), hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë. Kjo thirrje ka qenë e hapur nga: **15 janar deri më 13 shkurt 2025**.
- Më **12 janar**, është nënshkruar një memorandum, bashkëpunimi me nr prot. 5163/19 me organizatën chatar charity për ndërtimin e 50 serrave **100 m2** në komunën e Rahovecit.
- Thirrja për aplikim për serra 100 m2 nga organizata Chatar, është hapur në DBPZHR, kriteret janë caktuar nga shoqata, thirrja ka qenë e hapur nga **13.01.2025 deri më 27.01.2025** gjithsej kanë aplikuar **70** fermerë.
- Kemi mbajtur kontakte të vazhdueshme me zyrtarët e AZHB-së lidhur me aplikacionet dhe plotësimin e tyre për aplikimet e vitit 2024.
- E kemi përfunduar raportin vjetor, të cilin e kemi publikuar në web-faqen e Komunës.
- Vlerësimi i punëtorëve për vitin 2024.



- Gjatë gjithë muajit janar stafi i DBPZHR-së së bashku me kabinetin e kryetarit kemi mbajtur takime me fermerë në disa lokacione, për të diskutuar punët e DBPZHR-së gjatë muajit 2024 si dhe për të ndëgjuar kërkesat e qytetarëve në sektorin e bujqësisë për vitin 2025.

Aktivitetet në muajin shkurt

- Më 12 shkurt u mor vendimi nga organizata Chatar Charity për formimin e komisionit për vlerësimin e aplikacioneve të fermerëve aplikues për serrat 100 m², Komisioni ka kryer vlerësimin, ku janë vizituar fermerët nga përfaqësuesit e organizatës dhe të komunës së Rahovecit. Vlerësimi është bërë në përputhje me rregulloren dhe kriteret e Organizatës.
- Komisioni pas shqyrtimit dhe analizës merr vendim për përkrahjen e **31** familjeve me serra **100 m²**, edhe pse memorandumit i nënshkruar ka qenë për 50 serra, mirëpo sipas kriterëve të shoqatës, familjet e tjera që kanë aplikuar nuk i kanë plotësuar kriteret.
- Ka vazhduar pranimi i aplikacioneve për subvencionim të qumështit për gjashtëmujorin e dytë të vitit 2024 për fermerët blegtor (MBPZHR) deri më **13 shkurt 2025**.
- Gjithësej kanë aplikuar **81** blegtorë, 74 prej tyre kanë aplikuar me **1,814,352** litra qumësht, 13 prej tyre me **204** viqa.

Aktivitetet në muajin mars

- Kemi hapur thirrje për aplikim për fermer vreshtar Përkrahja e Fermerëve Vreshtarë me preparate për luftimin e insektit "CIKADIA" e hardhisë së rrushit. Thirrja ka qenë e hapur Nga **5 mars** deri më **19 mars**.
Gjithsej kanë aplikuar **324** fermerë Vreshtarë.
- Është formuar komisioni për verifikimin e aplikacioneve i cili i ka vlerësuar dhe e ka shpallur listën e përfitueseve të preparatit.



- Gjate këtij muaji është hapur edhe thirrja për përkrahjen e bletarëve me ushqim për bletë. Thirrja është hapur nga data: **24.03.2025** deri **07.04.2025**



Rezultatet e projekteve ne MBPZHR

- Është publikuar lista e përfitueseve për sektorin e vreshtarisë për projektet të cilët janë hartuar nga konsulenca e angazhuar nga komuna, ku nga 18 aplikacione 15 prej tyre janë përfitues në skemën e granteve.

Është përgatitur dhe është hapur thirrja për aplikim për kompanitë që bëjnë grumbullimin dhe përpunimin e perimeve, është formuar komisioni i cili e ka bërë vlerësimin dhe i është rekomanduar kryetarit të komunës për lidhjen e kontratës. Fermerët kanë aplikuar dhe nënshkruar marrëveshje kontraktuale me kompaninë përfituese. Mbështetje konkrete për kultivuesit e perimeve në Rahovec!



- DBPZHR ka bërë mbështetjen e fermerëve, duke fuqizuar prodhimin vendor dhe siguruar kushte më të mira për kultivimin e perimeve.
- Me këtë marrëveshje, kemi mbështetur kultivimin e:
 - 5 hektarëve me tranguj 🥒
 - 5 hektarëve me speca 🌶️
 - 1 hektar me speca nga farëra hibride 🍅 (për herë të parë)
- Ky projekt për fermerët e përzgjedhur mbulon: Fidanet, Plehun akristalor, Mulqerimin, Sistemin pikë-pikë për ujitje, Ambalazhimin (shportat), Sigurimi i tregut.

Aktivitetet në muajin prill

- Edhe gjatë këtij muaji ka vazhduar aplikimi i fermerëve bletar për projektin "Furnizim me ushqim për bleta", numri i aplikuesve në këtë thirrje ka qenë **50 bletar** me gjithsej **3,829 koshere**.
- Jemi furnizuar me vaksina sipas kontratës që kemi lidhur me OE dhe ka filluar vaksinimi dhe kontrolla e Bagëtive në tërë territorin e komunës sonë.

Dëmet nga fatkeqësitë natyrore – Ngricat

Rreth datave 7 dhe 8 prill si rezultat i temperaturave të ulëta, fermerët tanë kanë pësuar dëme. Në bashkëpunim me Departamentin e Vreshtarisë dhe Vertarisë është formuar komision për vlerësim të dëmeve në sektorin e vreshtarisë. Ndërkohë në sektorin për Perime dhe Pemë pas pranimit të kërkesave të fermerëve, komisioni i përhershëm komunal ka filluar punën në terren në vlerësim të dëmeve dhe përpilim të raportit final.

Aktivitetet në muajin maj

Subvencionet 2025

Me datë 02.04.2025 është hapur aplikimi për pagesa direkte/subvencione për 28 nënsektorë dhe kultura bujqësore. Për sektoret, të cilët do të mbështeten përmes Programit për Pagesa Direkte, afati për aplikim pas kërkesës për zgjatje ka qenë i hapur deri më 19 maj 2025.

Numri total i fermerëve që kanë aplikuar për vitin 2025 është 3,064 ku krahasuar me vitin 2024 kemi 35 aplikacione më pak.

Sikurse në vitet e kaluara pas përfundimit të procesit dhe dorëzimit të aplikacioneve në AZHB, në kuadër të drejtorisë së Bujqësisë bëhet regjistrimi i të dhënave të fermerëve që kanë aplikuar për secilën kulturë bujqësore. Këto të dhëna më pastaj përlogariten, analizohen dhe krahasohen me vitet paraprake.

Tabela 1. Tabela 1. Të dhënat sipas aplikacioneve të fermerëve dhe diferenca mes vitit 2025/2024 të shprehura në Siperfaqe

VITET		2023	2024	2025	Diferenca
Sektorët					Sip. Ha
Sektori i Lavërtarisë	Drithërat	4,768.34	4,504.61	5,086.95	582.34
	Grurë - KG	-	-	-	0.00
Sektori i Vreshtarisë	Rrush	2,274.57	2,216.29	2,179.90	-36.39
	Fidane të hardhisë	124,000.00	127,000.00	120,000.00	-7,000.00
Sektori i Perimkulturës	Perime	1,114.97	1,378.98	1,192.10	-186.88
	Kungullore	423.16	719.27	630.66	-88.61
Sektori Pemëtarisë		194.31	172.47	209.11	36.64
Sektori i Blegtorisë dhe Shpezëtarisë	Bletë	4,793.00	5,276.00	5,488.00	212.00
	Buallicë	6.00	6.00	10.00	4.00
	Lopë	1,953.00	1,966.00	2,178.00	212.00
	Mëshqerra	0.00	151.00	285.00	134.00
	Dhi	167.00	150.00	318.00	168.00
	Dele	7,396.00	5,244.00	7,256.00	2,012.00
	Pula vojëse	60,260.00	52,000.00	76,560.00	24,560.00

Raport i punës | janar-qershor 2025

Bimë Mjekësore dhe Aromatike - BMA	8.54	10.96	9.65	-1.31
Perime në Serra	27.21	28.77	60.89	32.12

Nga tabela e prezantuar me lartë mund të vërejmë se këtë vit kemi rritje në sektorin e lavërtarisë kryesisht te Gruri, te sektori i pemëtarisë si dhe te sipërfaqet me serra, ndërsa ulje të slip. me të mbjella kemi te sektori i perimkulturës, kryesisht te Speci, Qepa, Patatja si dhe te kungulloret Shalqini dhe Kungulli i Gjelbërt.

Tabela 2. Të dhënat sipas aplikacioneve të fermerëve dhe diferenca mes vitit 2025/2024 të shprehura në EURO

VITET		2023	2024	2025	Diferenca
Sektorët					Vlera në €
Sektori i Lavërtarisë	Dritërat	1,490,052.36 €	1,405,488.44 €	1,586,368.55 €	180,880.11 €
	Grurë - KG	-	-	-	0.00 €
Sektori i Vreshtarisë	Rrush	2,397,396.78 €	2,446,784.16 €	2,406,609.60 €	-40,174.56 €
	Verë	294,518.32 €	181,955.66 €	628,512.64 €	446,556.98 €
	Fidane të hardhisë	18,600.00 €	19,050.00 €	18,000.00 €	-1,050.00 €
Sektori i Perimkulturës	Perime	636,805.38 €	1,258,835.70 €	1,118,830.54 €	-140,005.16 €
	Kungullore	175,984.14 €	305,176.08 €	280,043.64 €	-25,132.44 €
Sektori i Pemëtarisë		97,932.24 €	86,924.88 €	136,757.94 €	49,833.06 €
Sektori i Blegtorisë dhe Shpezëtarisë	Bletë	95,860.00 €	105,520.00 €	137,200.00 €	31,680.00 €
	Buallica	0.00 €	900.00 €	1,800.00 €	900.00 €
	Lopë	175,770.00 €	176,940.00 €	196,020.00 €	19,080.00 €
	Mëshqerra	0.00 €	7,550.00 €	14,250.00 €	6,700.00 €
	Dhi	4,175.00 €	4,500.00 €	9,540.00 €	5,040.00 €
	Dele	184,900.00 €	131,100.00 €	217,680.00 €	86,580.00 €
	Pula vojëse	27,719.60 €	26,000.00 €	38,280.00 €	12,280.00 €
BMA		4,304.16 €	5,523.84 €	4,863.60 €	-660.24 €
Perime në Serra		24,597.84 €	26,008.08 €	55,044.56 €	29,036.48 €
Gjithsej		5,628,615.82 €	6,188,256.84 €	6,849,801.07 €	661,544.23 €

Nga të dhënat e kësaj table mund të kuptojmë se deri në këtë fazë, vlera potenciale që fermerët tanë do të përfitojnë është rreth: 6.8 milion euro, që krahasuar me vitin 2024 kemi një ndryshim pozitiv prej rreth 650 mijë euro dhe këtë ndikim e vërejmë te rritja e sasisë së verës së prodhuar për rreth 5 milion litra.

Grantet 2025 – MBPZHR

Ministria e BPZHR-së në fundin e vitit 2024 ka hapur thirrjen për aplikim në skemën e granteve për fermer. Komuna jonë edhe për këtë thirrje ka angazhuar kompaninë konsulentë për hartim të projekteve dhe kompletim të dokumenteve për fermerët e komunës sonë.

Në këtë thirrje nga gjithsej 48 aplikacione të dorëzuara: 29 janë përfitues apo shpërhur në përqindje 60.42% dhe në vlerë 880 mijë euro, poashtu edhe 9 projekte të tjera janë të përzgjedhura, por për mungesë të buxhetit të Ministrisë ato janë në listën e pritjes (rezervë). Ndërsa 9 aplikacione janë refuzuar pasi që nuk i kanë arritur pikët e kalueshmërisë.

Rahovec	Numri i Aplikacioneve	Vlera e projekteve
Aplikacione të Aprovuara	29 projekte	880,150.00 €
Në rregull me pike (Rezervë)	9 projekte	382,360.00 €
Aplikacione të refuzara	9 projekte	300,510.00 €
Në pritje të rezultateve	1 projekt	50,000.00 €

Vaksinimi i Bagëtive

Gjatë muajit maj ka përfunduar procesi i vaksinimit dhe kontrollës së bagëtive nëpër ferma nga veterinari i angazhuar nga DBPZH, dhe në bazë të raportit final janë vaksinuar 7,855 dele dhe 2,353 lopë.



Serrat 1 ari – bashkëfinancim me Organizatën “Qatar Charity”

Më 22 maj, u nënshkruan kontratat me 31 fermerë përfitues të projektit për ndarjen e serrave prej 1 ari (100m²), në kuadër të bashkëpunimit me organizatën humanitare Qatar Charity.

Ky projekt synon mbështetjen konkrete të fermerëve tanë në rritjen e prodhimit bujqësor dhe krijimin e kushteve më të mira për kultivim gjatë gjithë vitit, ku Komuna e Rahovecit ka kontribuar me 25% të kësaj vlere.

Përfituesit e këtij projekti janë pajisur me:

- Serrë prej 100 m²,
- Sistem të ujitjes,
- Folie të zezë plastike për mbulimin e tokës,
- Rezervuar uji me kapacitet 500 litra.



Aktivitetet në muajin Qershor

Thirrja për fermerë Bletarë

Duke u bazuar në kërkesat e disa fermerëve të cilët për arsye të ndryshme nuk e kanë shfrytëzuar të drejtën e aplikimit në afatin e paraparë, e kemi rihapur thirrjen për aplikim të fermerëve edhe për 5 dite. Është formuar komision i vlerësimit të aplikacioneve dhe pas nënshkrimit të kontratave do të filloi shpërndarja e dyllit. Procesi i vlerësimit është drejt fundit, do të publikohet lista e përfituesve, por jemi në pritje të lidhjes së kontratës e cila tani është në OSHP.

Projektet e investimeve kapitale

Kanali i kullimit të tokave bujqësore Fortesë-Celinë - Faza e dytë

Kanali i Kullimit Fortesë-Celinë: me përmirësimin e kushteve atmosferike kanë vazhduar punimet në ndërtim të kanalit të kullimit të tokave në segmentin kryesor i cili e bënë shkarkimin e ujrave në përoin e fshatit Celinë. Ky projekt pritet të përfundojë brenda këtij viti.



Kanali i Kullimit nga Shtavica deri në Fortesë:

Kanë vazhduar punimet në pastrimin e sipërfaqes përgjatë kanalit, për shkak të problemeve pronësore në 100 metrat e fundit është bërë edhe ndryshimi i shtratis dhe është zvogëluar në 4,5 nga 7,2 sa ishte në projekt. Ndërkohë jemi në pritje të pastrimit dhe heqjes së hekurave nga familja Kadiri dhe të rrënohet objekti që është pengesë për zhvillim të projektit. Ky projekt po shkon drejt përfundimit.



Kanali i Kullimit në Çifllak:

Në këtë periudhë raportuese nuk ka pasur punime, pasi që OE nuk ka gatishmëri të punojë në përfundim të kontratës. Tani jemi në procedura të shkëputjes dhe do të ri - shpallet për ta përmbyllur këtë projekt.

Rrugët Fushore

Ky projekt ka vazhduar në disa lokacione duke u bazuar në kërkesat e fermerëve. Janë përfunduar 4 segmente në Hamoc në Rahovec, poashtu punimet janë zhvilluar në një segment rrugor që lidh fshatin Celinë - Brestoc me qytetin e Rahovecit. Një segment në Brestoc, 3 segmente në Nagafç, ndërsa aktualisht është duke u punuar në një segment që lidh fshatrat Polluzhë dhe Kaznik. Në fshatin Çifllak janë kryer 3 segmente.

Ndërtimi i Urave

Ka vazhduar projekti i ndërtimit të Urave në komunën e Rahovecit. Ka përfunduar ndërtimi i urës që lidh fshatrat Vrajkë dhe Ratkoc. Ndërkohë janë duke vazhduar punimet të Ura në Rimnik në ndërtimin e këmbëve të urës.

Ndërtimi i Serrave

Qysh në fillim të vitit ka vazhduar ndërtimi i serrave për fermer. Në periudhën e dimrit aty ku është ndërtuar konstruksioni metalik dhe që ka qenë e pamundur montimi i folisë plastike, me përmirësimin e motit janë mbuluar të gjitha serat e ndërtuara. Ky projekt tani konsiderohet i përfunduar



PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, është i vazhdueshëm. Zyrtarët e DBPZHR-së vazhdimisht janë në terren duke takuar fermerë në sektor të ndryshëm dhe duke iu ofruar këshilla të nevojshme rreth aktiviteteve agroteknike nëpër fermat e tyre.

Zyrtarët kanë qenë të gatshëm për çdo vlerësim dëmi me të cilët fermerët e komunës sonë ballafaqohen, ata dalin në terren në çdo fatkeqësi natyrore që ndodh dhe dëmton kulturat bujqësore.

Kemi krijuar raporte të mira me OJQ-të, me grupe të ndryshme, profesionistë të fushave, me theks të veçantë inxhinier të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

04.07.2025

Rahovec



DIREKTORI I DBPZHR-së

Berat Duraku